

Hopi club, distrito of organizacion no ta participá mas

ORANJESTAD - Mes-cos cu den tur aspecto di bida, celebracion di carnaval tambe a conocé su cambionan. Tin biaha pa positivo y otro pa negativo.

Por corda ainda cu te cu poco aña pasá competí pa Reina Grandi di Carnaval tabata un atraccion grandi, debí na e premio. Esaki tabat un auto nobis nobis cu ta wordo regalá dor di un companía di auto local. Esaki sinembargo ya no ta existí mas pa algun aña caba.

Tabatin un periodo cu hopi candidata ta participá den e eleccion final pero poco-poco esaki a bira menos.

Algun di e club- of organizacionnan cu e temponan aya tabata participá y cu awe no ta tende mucho di nan ta: Jeugd Centrum Tanki Leen-

dert; Jolly Teeners (no ta Club; Caiquetio Club; Amity Organization; Schlitz; Heineken; Viceroy; Estrella Club; Club Scaramouche.

Pero e temponan aya hasta bo tabata haya candidatanan cu tabata representá p.e. Centro Parokial Paradera; Centro Educativo Cristian, etc.

E competencia a bira asina grandi durante cierto temporada cu e club of organizacionnan no por "afford" tur e gastonan cu esaki ta encerrá.

Esaki tambe kizas ta e motibo cu pa distritonan no ta haya hopi candidata tampoco y ta dicidí di coroná un Reina enbes di eligí pasobra den e promé ronda caba e competencia ta hopi mescos cu e gastonan.

P.e. dos distrito cu casi tur

aña sa participá den tanto a participá ta Noord y Pos Chiquito.

Pero no solamente e interes pa Reina a baha pero tambe pa Prins y Pancho tanto grandi y hubenil. E último añanan mester a lucha pa haya mas cu un pareha p'asina por tin un competencia toch.

E único actividadnan pa cual tin un interes grandi ainda ta e festivalnan di Calypso/Roadmarch y Tumba. Y aña tras aña e interes ta bira mas grandi. El a bira asina hopi cu algun aña atras a keda dicidí pa 2 anochi di preseleccion y un anochi final.

Siendo un fundacion, SAC mester percurá pa relato anual y control di parti di contadornan p'asina nan por haya mas credibilidad. □

